



Future-proofing our children

Sikolo sa lasunda: Sitopa sa banana ba bainyani

Toho ya Tuto

Ku pepiwa kwa Krete

Buka ya Bashemi
Sikolo sa la Sunda sa mwa malapa



Balatiwa Bashemi

Mwa amuhelwa kwa tuto ye li “**Ku pepiwa kwa Kreste**” ya sikolo sa lasunda ya banana ba bainyani. Pampili ye i mifa kabukuswani kamo muka lutela tuto ye.

Mo mu kona ku itukiseza ni kufa tuto

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

Muhato	Sa kueza
1.	Mu kene fa likepe la Keleke ya ba Apositola ba Banca, ka ku sebelisa likepe le fa WhatsApp: https://bit.ly/3NACSSH5
2.	<p>Mu be ni lisebeliso ze tatama kuli mu kone ku itukiseza kufa hande tuto:</p> <ul style="list-style-type: none"> • Bibeke • Mapampili a lukisizwe kale a tuto ye. • Buka mwa sebeleza mwanana, lipotoloto ni lipendiso za banana, ni zeñwi cwalo. • Maswaniso aku buha a lukisizwe a kona ku sebeliswa ku ekeza fa halimu a tuto (ha ku konahala) • Katekisema ni buka ya lipuzo ni likalabo (Kwa banana ba bali mwa litopa za Tiisezo) <p>Mamela:</p> <p>2.1: Nako yende yakufa tuto ki la Sunda ka kusasani, ka samulaho a sebelezo, sina banana ha ba fiwanga lituto ka nako yeo.</p> <p>2.2: Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teezeza ni ku utwisisa hande.</p> <p>(Mu sike mwa bulela ze sa ami tuto) ya mwanana – Ki mina mu ziba ahulu mwana mina ni ku fita. <i>Ka mulao, sikolo sa la Sunda hasi swaneli ku fitelela mizuzu ye mashumi a mane nito tu keta lizoho (45 minutes).</i></p> <p>2.3: Lituto li kauhanyizwe ka litopa (Sikolo sa la Sunda, Taelo ya silumeli ni Tiisezo).</p> <p>2.4: Mulizeze kapa ku ikopanya ni muluti wa sikolo sa la Sunda ha mu tokwa tuso kwa lisebeliso ze bulezwi.</p>
3.	Mu lapele (Mubone tapelo ye ñozwi, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela.
4.	Mu eze sibaka sa tuto kuba se sinde (ku sina lilata) fo mina ni mwanana mu bani buino bo buswana. Ka mutala: Mu ine fa lishasha/ fa museme kapa fa lipula ku potoha tafule
5.	Mu bale tuto ye lukisizwe. Mu kutele ku ibala hape kuli mui utwisise hande. Mu buhe maswaniso a tuto kuli mube ni kutwisiso hande
6.	Mu iñolele tu ñusanyana twa butokwa to mubata ku hupula ha mufa tuto.



Mufe tuto ya Sikolo sa la Sunda mwa malapa

Mo kuswanehela ku itukiseza ni kufa tuto ye

Lu zwela pili ku mifa mikwa, yeo muswanela ku itukiseza ni ku fa tuto ye:

Muhato	Sa kueza
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sunnda.
11.	Mu lapele kapa mu kupe mwanana kuli a lapele kaku kwala tuto.

Lisebeliso ze fumaneha kuama Sikolo sa mwa malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze likepe la WhatsApp la ku ikambota tuto ye ni mabasi a mañwi a sikolo sa la sunnda.
2. Mu ambole ni bashemi ba bañwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zeñwi kuama tuto ye.
4. Muongaongi ni muluti wa sikolo sa la Sunda mwa kopano yamina ba itukiselize ku mi tusa.



Notes



Tuto

Toho ya tuto	Ku pepiwa kwa Kreste
Timana ya Bibe	Luka 2: 1-20
Mutomo/ butokwa bwa tuto	Banana ba ituta ka moo mupulusi wa luna, Jesu Kreste na pepezwi.

Tuto ye kusufaliswe:

- Munna wa Muroma ya na bizwa Sesare Augusto na bata kuli ku eziwe sipalo sa batu mwahala linaha kaufela ze ne inzi mwa kamaiso ya Siroma mi batu kaufela ne ba swanela ku iñolisa mwa litolopo mo ne ba pepezwi.
- Kamukwaocwalo, Josefa ni Maria ni bona ba wela nzila ku liba kwa Betelehema, ni haike kuli Maria na libelezi ku pepa mwana Mulimu, Jesu Kreste mwa nako ye kuswani – kuswani.
- Ha se ba fitile mwa Betelehema, ne kuna ni batu ba bañata. Ba fiwa sibaka sa macelo a limunanu. kakuli ne ku sina sibaka sa bona mwa ndu ya baenyi.
- Maria a pepa mwana mushimani. A mu apesa liapalo za bumbututu mi a mu lobaza mwa sicelo.
- Mwahala busihu, balisana ne ba nze ba tonela mitapi ya bona mwa sibaka se ne si inzi mwa Betelehema. Honafo fela lingeloi la Mulena la taha ku bona, ku ba tiseliza mañusa a mande a ku epiwa kwa mupulusi, Jesu Kreste. Lingeloi la ba taluseza ko ba kona ku yo fumana Mwana.
- Balisana ba funduka kapili, ku ba mwa lieto la bona ku ya kwa Betelehema ku yo bona mwana.
- Mi teñi koo, ba yo fumana mwana a lobalizwe mwa sicelo. Mi Josefa ni Maria ne ba inzi ni Yena.
- Kwa ba ni tabo ye tuna luli, bakeñi sa ku pepiwa kwa mwana ya lateha.
- Balisana ba lumbeka ni ku lolisa Mulimu kwa linto kaufela ze ba konile utwa ni ku iponela busihu bwani.



Tuto ye italusa sika mañi ku luna kacenu?

- Kuli Jesu ki mwana Mulimu mi na pepezwi mwa bunjebwe mwa siba sene si siyo hande.
- Mulimu na taleleze sepiso ya hae mi na lumelelize mwana hae ku to lu pulusa.
- Mulimu uka lu babalela nako kaufela mi hape u lufa ze lu tokwa.
- Jesu u tisa kozo mi ki mpo ya lilato ku luna ye zwa ku Mulimu.

Lipuzo zemwi ze lu kona ku buza:

1. Jesu na pepezwi kai?

Kalabo: Mwa Betelehema, mwa sicelo.

2. Balisani ne baeza sika mañi nako yeo, mangeloi ha bonahala ku bona?

Kalabo: Ne ba lisa ni ku babalela mitapi ya lingu za bona.

3. Lingeloi ne li tisize liñusa mañi kwa balisani?

Kalabo: *Lingeloi ne li ba bulelezi kaza ku pepiwa kwa Jesu ni koo ba kona ku yo mu fumana.*

4. Maria na putezi Jesu mwa sika mañi mi hape na mulobalize mwañi?

Kalabo: Na mu apesize liapalo za bumbututu mi a mu lobaza mwa sicelo.

5. Balisani ne ba ezize sika maño ha se na siile Maria, Josefa ni mbututu Jesu?

Kalabo: Ba lumbeka ni ku lolisa Mulimu kwa linto kaufela ze ba konile utwa ni ku iponela

Litapelo za luna

Tapelo ya bo Ndate ni Boma ye fiwa pili tuto isi ka tateka:

Ndate ya mwa lihalimu

Na itumele ku wena kwa lizazi lelimwi la lilato ni sishemo sa hao

Na kupa u fuyole bome ni bondate. Fuyola baeteleli, balikani baluna kaufela ni mabasi a luna

Lu lapela kuli lu ku late ni ku kuli lu kalatelela bashemi ba luna

Lu fuyole kuli lu kone kuba ni sishemo ni lilato mane ni ku ba ni likuta ni musa ku be lu kopana ni bona

Lwa kupa u fuyole tuto ya sikolo sa banana sa la Sunday ye, ni kuli nako kaufela lu hupule ku itumela ku wena ka ku lu keta kuba bana ba hao.

Lu bata ku inelela mwa tumelo ni ku latelela ku fitela u taha ku to lungela kwa hae.

Lu kupa ze kaufela mwa libizo la hao

Amen



Tapelo kasamulaho wa tuto:

Ndate ya mwa lihalimu,

Lwa itumele kuli ulu silelelize, ni ku lu lumelela kuli lu kone kuba ni likande lelinde la Bibe

Lwa itumela kwa ku lubabalela ni ku lu Sileleza kwa likozi.

Na kupa uli tuse ku ba baba latelela bashemi ba luna, ni kuba ni seshemo ku be lu kopana ni bona.

Na kupa ulu tuse kwa misebezi ya luna ya kwa sikolo.

Fuyola mu Apositola yo muhulu, ba Apositola ni baeteleli ba keleke kaufela, mi uba sileleze mwa misipili ya bona, ili kuli ba lu lute zeñata za musebezi wa hao.

Na kupa utuse bana ba hao kaufela, sihulu baba kula, ni ba basina sa kuca ni malobalo

Taha kapili ulungele kwahae

Lu kupa ze kaufela, isi kuli za lu swanela, kono mwa libizo la Jesu

Amen.